
ВИЛОЯТ ҲОКИМИ ХАЙРУЛЛО БОЗОРОВ 106 ЁШЛИ ХОЛМУРОД ОТА ҚУРОЛОВГА “ШУҲРАТ” МЕДАЛИНИ ТОПШИРДИ

Бугун вилоят ҳокими Хайрулло Бозоров "Шуҳрат" медали билан тақдирланган Данғара тумани, Гулистон қишлоғи, Тотувлик кўчаси 12-уйда яшаётган 106 ёшни қаршилаган Холмурод ота Қуролов хонадонида бўлиб, давлат мукофоти, байрам совғаларини топширди.

Вилоят ҳокимини отахон ва 84 ёшли укаси Уролбой Қуролов очиқ чеҳра билан кутиб олдилар.

Тўкин дастурхон атрофида ўтган самимий суҳбат чоғида вилоят ҳокими отахоннинг меҳнатлари Президентимиз томонидан эътироф этилиб, “Шуҳрат” медалига муносиб кўрилганини таъкидлаб, отахон кўксига ушбу медални тақиб қўйди.

Отахон вилоят ҳокимига ёшлик даври, узоқ йиллик чўпонлик фаолияти давомида бошдан кечирган қизиқ воқеалар ҳақида тўлқинланиб гапириб берди.

Ҳозирда отахон фарзандлари, 100 дан зиёд невара, эваралари қуршовида, юртимизда ҳукм сураётган тинчликни улуғлаб, дуолар қилиб ҳаёт кечирмоқда.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-08-31 13:03:38